



DEKLARATA E TË DREJTAVE

I dorëzohet një personi të vendosur në ndalim të përkohshëm gjatë një hetimi

Ju jeni vendosur në ndalim të përkohshëm nga gjyqtari (i lirive dhe i ndalimit) Ky dokument rikujton të drejtat kryesore nga të cilat ju përfitoni dhe informacionet kryesore që duhet t'ju jepen.

Ju mund të ruani këtë dokument gjatë gjithë kohëzgjatjes së paraburgimit të përkohshëm

Njohja e shkeljes

Ju keni të drejtë të njihni kualifikimin, datën dhe vendin e kryerjes së veprës penale për të cilën ju jeni nën hetim dhe arsyet justifikuese të vendosjes suaj në ndalim të përkohshëm.

Asistenca nga një avokat

Gjatë gjithë kohëzgjatjes së hetimit ju mund të kërkonti të asistoheni nga një avokat të zgjedhur prej jush ose të caktuar automatikisht.

Ju jeni i lirë të komunikoni apo të jeni në kontakt me shkrim me avokatin tuaj dhe ky i fundit mund t'ju asistojë në të gjitha marrjet tuaja në pyetje për të cilat duhet të lajmërohet.

Nëse jeni i mitur dhe ju ose familja juaj nuk keni zgjedhur një avokat, do t'ju caktohet një avokat automatikisht

E drejta për të ruajtur heshtjen

Gjatë marrjes suaj në pyetje, ju mund të zgjidhni të jipni deklaratën, t'i përgjigjeni pyetjeve që do t'ju drejtohen ose të heshtni

Asistenca e përkthyesit

Nëse ju nuk e flisni apo nuk e kuptoni frëngjishten, keni të drejtën të kërkonti asistencë falas nga një përkthyes gjatë marrjes suaj në pyetje dhe për të komunikuar me avokatin tuaj.

E drejta për të kërkuar lirim tuaj

Në çdo moment ju mund t'i kërkonti lirim tuaj gjyqtarit të hetimeve paraprake. Kjo kërkesë do të shqyrtohet nga ky gjyqtar dhe nga gjyqtari i lirive dhe i ndalimit.

Kohëzgjatja e heqjes së lirisë

Kohëzgjatja e ndalimit të përkohshëm ndryshon sipas rastit të të qenit i rritur ose i mitur, nëse faktet që janë kundër jush përbëjnë një krim apo një kundërvajtje penale, sipas rëndësisë së tyre, dhe në varësi të faktit nëse ju keni qenë dënuar më parë në të shkuarën.

Kjo kohëzgjatje përfshihet në urdhëresën e gjyqtarit që ju ka ndaluar.

Në disa raste, ndalimi juaj mund të zgjatet. Këto zgjatje të mundshme nuk mund të vendosen përveç se në përfundim të një debati ballafaqimi gjatë të cilit ju dhe avokati juaj do të dëgjoheni.

Informacion i disa personave

Ju keni të drejtën të informoni personat që ju dëshironi, dhe sidomos anëtarët e familjes suaj, për ndalimin e përkohshëm, subjekt i të cilit ju jeni.

Gjithashtu ju mund të informoni autoritetet konsullore të vendit tuaj nëse jeni me kombësi të huaj.

Vizita nga një mjek

Ju mund të kërkoni të vizitoheni nga një mjek.

Qasja në dosjen tuaj

Ju keni të drejtën të merrni një kopje të dosjes hetimore, me anë të avokatit tuaj. Gjyqtari i hetimeve paraprake mund të kundërshtojë dorëzimin e disa pjesëve të dosjes në rast të rrezikut të presionit mbi viktimat, personat e përfshirë në çështje, avokatët e tyre, dëshmitarët e tyre, hetuesit, ekspertët apo kushdo tjetër që është i përfshirë në procedurë